



BRIYANDO FUERTE • TRECENDO CLARIDAD
DIAMARS 28 MEI 2024

**CON MEASLES
(SARAMPI) TA
TRANSMITI SU MES**



WWW.SOLODIPUEBLO.COM **SOLODIPUEBLO@GMAIL.COM**

**CASO MINISTER ENDY CROES VS 24 ORA:
CORTE A TRATA E CASO DI
RECTIFICACION Y A BATI DEDE
DI 24 ORA!**



**CONSEHO DI MINISTER
A APROBA PA ARUBA Y
AMSTRONG OIL CERA ACUERDO
PA EXPLORACION DI GAS**



**TIRAMENTO DI
WEBO A PONE CU 3
INDOCUMENTADO A SER
DETENI PA DEPORTA**



**GOBIERNO DI ARUBA A HAYA
LICENCIA FOR DI OFAC PA CU
MPRA HFO MAS BARA TA BAH
PRIJS DI AWA Y CORIENTE TA
BIRA REALIDAD**



Prome Minister Evelyn Wever-Croes:

MINISTER PRESIDENT DI ARUBA TA ATENDE CONFERENCIA IMPORTANTE PA SMALL ISLAND DEVELOPMENT STATES SIDS



E aña aki ta tuma luga e di cuater Conferencia Internacional di Small Island Developing States di Nacionnan Uni. E conferencia ta tuma luga na Antigua y Barbuda for di 27 pa 30 di mei y e tema di e aña aki ta 'Charting the Course Toward Resilient Prosperity'. Ta importante pa remarca cu e conferencia di SIDS ta tuma luga cada 10 aña y pa e motibo aki

ta di suma importancia cu Aruba como isla chikito ta forma parti di e conferencia aki.

Minister President di Aruba Evelyn Wever-Croes y Minister President di Corsou Gilmar Pik Pisas lo atende e conferencia importante aki.

Pa Aruba ta un gran honor cu Minister President sra. mr. Evelyn Wever-Croes

ta encabesa e delegacion di Reino Hulandes cu ta consisti di e 4 paisnan den Reino.

Kico ta SIDS y ki rol Aruba tin durante di e conferencia?

SIDS ta significa Small Island Developing States, Islanan Chikito den Estado di Desaroyo. SIDS ta wordo referi na un grupo di pais (isla) y territorio cu ta comparti retonan y vulnerabilidad unico den nan desaroyo. Esaki ta debi na e caracteristicanan cu nan tin en comun manera: e tamaño chikito, locacion remoto y recursonan limita cu ta haci nan mas vulnerabel na factornan externo.

Actualmente Aruba como

pais autonomo den Reino Hulandes ta forma parti di SIDS como un miembro asociado di Nacionnan Uni. Minister President di Aruba lo hiba palabra durante di e conferencia y lo tin reunionnan cu Minister Presidente y Ministernan di varios pais, entre otro Barbados, Suriname y Antigua mes, tambe cu instancianan internacional di influencia global.

Meta di e participacion di Aruba

Meta di e participacion di Aruba ta pa boga pa sosten y cooperacion internacional, enfatizando e necesidad pa desaroyo sostenibel, strategia di mitigacion y adaptacion na cambionan climatico, asistencia financiero y

tecnico di e comunidad global. Nacionnan Uni y otro organisacionnan internacional ta reconoce e circunstancianan unico di SIDS y ta traha pa atende e necesidadnan specifico cu maneho y programanan specialmente adapta na nan. Pa e motibo aki tambe ta hopi significante cu Aruba no solamente ta parti di e delegacion di Reino Hulandes, pero cu Minister President Evelyn Wever-Croes tin un rol prominente como lider di delegacion. Como lider di e delegacion di Reino, Minister President, lo enfatisa cu Aruba mescos cu e otro SIDS tambe ta atendiendo cu retonan di paisnan grandi cu recursonan di islanan chikito, cual ta hopi limita.

Prome Minister Evelyn Wever-Croes: CU E RIJKSWET ARUBA LO HAYA REDUCCION DI E INTERES RIBA E DEBE DI COVID Y RIBA DEBENAN ANTERIOR

Durante e conferencia di Prensa di Gobierno di Aruba diabierna 24 di mei, varios pregunta di e miembroran di prensa riba temanan interesante a wordo contesta pa Prome Minister Evelyn Wever-Croes. Un di e preguntanan dirigi na Prome Minister tawata trata e motibonan pa cua Gobierno a dicidi di firma e acuerdo awor cu Gobierno di Hulanda ta bay cambia.

Prome Minister a menciona cu ora cu a realisa cu Hulanda no lo laga e Rijkswet como condicion cay, a purba bin cu un Rijkswet

Hibride den cual ta respeta loke Parlamento por haci den un landsverordering y a pone algun definicion den e Rijkswet aki y esey Hulanda a acepta.

Tambe tawata di importancia e aspectonan financiero, e compensacionnan financiero cu awor si Hulanda tawata dispuesto pa duna, sino na oktober Aruba lo mester a bay di acuerdo cu e Raft pa por a haya e reduccion di e interes di e debe di Covid. Tambe Aruba tawata kier e reduccion di e interes riba e otro debenan y esey tambe a haya awor cu e

Rijkswet. Otro aspecto importante ta cu Hulanda a bay di acuerdo pa revisa e normanan pa haci posibel pa Gobierno di Aruba por inverti y pa por atende asuntonan socio-economico.

E mandatario a indica cu e cambio di Gobierno di Hulanda tambe a hunga un rol. Durante Gabinete Wever-Croes su persona a traha cu dos Secretario di Estado, Secretario di Estado Raymond Knops y Secretario di Estado Alexandra van Huffelen y ta di opinion cu pa Aruba ta mas prudente tin un acuerdo firma



cu e gobierno saliente prome cu bin un gobierno nobo ya cu no sa ainda ki constelacion e ta bay ta y ki atencion lo bay pone pa Aruba. "Y claro, cu e Rijkswet, e interes di e debe di Covid ta baha mes ora, esey tambe tawata un punto cu a hunga un rol hopi mas importante". Prome Minister a enfatiza.

ARUBA A HAYA PERMISO DI OFAC DI MERCA PA IMPORTA HEAVY FUEL OIL DI VENEZUELA

Minister di Energia, Glenbert Croes, a anuncia cu e Departamento di Tesoro di Gobierno Mericano a duna su aprobacion pa Aruba haya un permiso di OFAC (Office of Foreign Assets Control), pa por haci negoshi cu Venezuela, pa cu comprpa di fuel oil.

E permiso a wordo solicita

pa Aruba por cumpra heavy fuel oil Venezolano, teniendo na cuenta e bon prijs y e cercania geografico entre Venezuela y Aruba. Pasobra Aruba ta depende hopi di heavy fuel oil, e ta necesario pa por baha e prijs di awa y coriente pa e isla.

E anuncio ta trece hopi alegría, pasobra e ta refleha e bon nomber di gobierno di Aruba cerca Gobierno

Mericano. Minister Croes a expresa su gradicimento na e trahadornan di Departamento di Tesoro pa e apoyo y colaboracion.

Cu e permiso aki, WEB Aruba lo ta capacita pa ricibi heavy fuel oil di Venezuela, cuallo contribui pa reduci e prijs di awa y coriente. E permiso lo dura pa un periodo di dos año, cual ta te cu 2026.



CONSEHO DI MINISTER A APROBA PA ARUBA Y AMSTRONG OIL CERA ACUERDO PA EXPLORACION DI GAS



Ministro di Energia, Glenbert Croes, a informa cu diabierna, durante e ultimo conseho di minister, e conseho a duna su bendicion pa firma un acuerdo cu Amstrong Oil and Gas pa busca gas den algun area rond Aruba.

Nan a identifica varios area rond di Aruba cu por tin gas. E area ta na Noord Oost, completamente otro caminda cu Repsol a bora den pasado.

E proyecto ta contempla un

total di 3 pos di gas, mescos cu loke a wordo describi na La Perla na Venezuela. La Perla ta considera como descubrimiento di gas mas grandi di Latino America. E veldnan di gas rond Aruba ta wordo considera di igual potencial manera La Perla.

Conseho di Minister a aproba pa CAP, compania Arubano di Petrolio, por bay e acuerdo cu Amstrong Oil. E gastonan di buscada ta core riba cuenta di Amstrong y no riba cuenta

di Aruba.

Momento cu Amstrong a ricibi informacion di Aruba y nan a cuminza haci estudionan unda a haya 3 veld di gas, nan a informa e resultado preliminar di nan hayazgo, cual a wordo ricibi como un bon noticia pa nos pais. Cu e bendicion di Conseho di Minister aki, e siguiente paso por tuma lugar, unda lo por bay un acuerdo cu Amstrong pa nan cuminza explora e 3 posnan potencial.

TIRAMENTO DI WEBO A PONE CU 3 INDOCUMENTADO A SER DETENI PA DEPORTA



Diasabra anochi a drenta informe di cu tin hendenan grandi ta tirando webo na La Cabana, mesora a

dirigi patruya na e sitio. Na yegada di e patruya a bin topa cu un grupo di 3 homber indocumenta cual

tabata tirando webo for di un caha grandi di webo rond dilanti e hotel riba e security cu a saca nan afo despues di nan tabata comporta nan mes malo y indecente.

Ora polis a acerca nan a nota cu nan ta indocumenta y a detene nan .





NoticiadiCorte

MINISTER ENDY CROES A CUMINSA CASO CONTRA HEADLINES GROUP Y 24ORA.COM PA RECTIFICACION

Ayera mainta den Corte di Husticia a trata e caso sumario cu minister Croes a cuminsa contra Headlines Group y 24ora.com pa rectificacion.

SOLO DI PUEBLO por a comprende cu e team di abogado di minister Croes a cuestiona e forma con 24ora.com y Headlines Group ta publica acusacionnan no funda y ta exigi rectificacion.

E abogadonan cu a representa minister Croes ta: mr. M. Reinkemeyer, mr. E. Suarez Chirino encabeza pa mr. Ruiz. Abogado mr. D.Kock a representa director di 24ora.com y Headlines Group. E director Denz y Patrick Paskel tabata presente.

EXIGI RECTIFICACION

Abogado di minister Croes, mr. Reinkemeyer a mustra cu ayera noch, esta 27 di Mei 2024, atrobe tabata tin cosnan publica contra minister Croes y esey ta haci cu ta bolbe haci otro peticion di rectificacion riba cosnan publica pa 24ora.com y Headlines Group riba: 23 April, 14 Mei y 26 Mei 2024.

Mr. Reinkemeyer a bisa Hues cu minister Croes ta exigi rectificacion na 24ora.com y Headlines Group pa a yama minister Croes convicto y cu minister Croes a enriquece su mes y su familia cu placa di Fundacion Lotto Pa Deporte (FLPD). E abogado a mustra cu promer, 22 April 2024 a exigi 24ora.com y Headlines Group pa rectifica y dia 23 April, nan a bagataliza e rectificacion riba convicto y bisa acerca cu minister Croes a enriquece su mes y su familia cu placa di Fundacion Lotto Pa Deporte.

BAGATALIZA RECTIFICACION
E abogadonan mr. Reinkemeyer y mr. Ruiz di minister Croes a mustra cu Headlines Group ta afilia cu e partido mas grandi den oposicion, AVP y ta wordo usa pa haci e trabaonan sushi contra e partido mas grandi den Gobierno di cual minister Croes ta forma parti.

E abogadonan a mustra cu ora a exigi rectificacion ya manda esaki pa 24ora.com y Headlines Group, nan a bagataliza e rectificacion y a bay cu mas acusacion no funda, bisando cu minister Croes a enriquece su mes y su familia cu placanan di FLPD.

E abogadonan a bisa Hues cu e acusacion no funda di convicto ta mas o menos 15 año pasa relaciona cu supuesto irregularidadnan cu lo a sosode na FLPD, tempo cu Croes ainda tabata traha na e fundacion, promer como miembro di directiva y despues como director. Na opinion di e abogadonan, e palabra convicto ta laga hende pensa riba un persona cu a haya castigo pa un delito cu el a haci.

Pa no perde cara, promer cu e rectificacion di Paskel y Andrade, Headlines Group a publica un rapport di Ernst & Young relaciona cu un caso civil entre Croes y FLPD. E abogadonan a mustra cu e rapport menciona a wordo usa door di FLPD pa caba cu e acuerdo di trabao cu Croes. Esaki a trece otro acusacion no funda contra minister Croes. Apesar cu a exigi rectificacion, nan a sigui publica cosnan contra minister Croes.

E abogadonan ta haya cu tur e acusacionnan aki ta tacha e bon nombor y integridad di minister Croes.

ACUSACIONNAN NO FUNDA
E abogadonan mr. Reinkemeyer y mr. Ruiz a cuestiona e acusacionnan. E acusacion di convicto no ta cuadra cu e berdad pasobra Croes a wordo declara liber. E otro acusacion caminda ta usa e rapport di Ernst & Young, no tin ningun sentencia cu ta bisa cu FLPD a kita Croes corectamente. Mr. Ruiz a señala cu Hues den e caso di retiro di FLPD a kita Croes a base di e rapport traha door di Ernst & Young cu ta señala malversacion. Hues no a stipula cu Croes mester haya pago pa su retiro. Sinembargo, Corte Superior

a cuestiona e rapport traha pa Ernst & Young, cu esaki no ta cuadra cu realidad y ta duna un imagen negativo y inhusto di Croes.

Mr. Ruiz ta haya cu e rapport di Ernst & Young a wordo publica door di Headlines Group pa malo pa asina tira santo den wovo di pueblo pa pinta minister Croes scur. E abogado tambe a señala cu incorrectamente Headlines Group ta bisa cu Corte Superior ta haya cu FLPD a kita Croes corecto. Na opinion di mr. Ruiz, esaki no ta berdad. Croes a cuminsa un caso contra e retiro y esaki a wordo rechaza arriba puntonan formal.

ABOGADO MR. KOCK NO TA HAYA CU MESTER RECTIFICA

Mr. Kock di 24ora.com y Headlines Group, a bisa Hues cu e no ta haya cu mester rectifica pasobra 24ora.com a publica e rectificacion cu mr. Ruiz a manda.

E abogado a bisa Hues cu 24ora.com y Headlines Group ta papia di rapport di Ernst & Young den e caso di retiro di FLPD contra Croes. Ainda e caso ta andando. E abogado ta haya cu a publica contenido di e rapport cu ta un hecho. Na opinion di e abogado, e minister mester exigi rectificacion di Ernst & Young y no 24ora.com y Headlines Group. E abogado a lesa e rapport caminda ta menciona e ruman homber di Croes lo tin companianan cu a contrata. E rapport ta papia cu e rumannan a

enriquece nan mes cu e placanan di FLPD. E abogado ta haya cu 24ora.com a basa su mes riba e rapport y no ta haya cu mester rectifica. Mr. Kock a bisa Hues cu 24ora.com tin derecho di expresion lider. Como medio di prensa, 24ora.com tin e obligacion di señala cosnan cu ta mustra malo. E abogado a bisa Hues cu un politico mester tin lomba hancho pa haya critica.

Hues a mustra cu 24ora.com a publica cosnan cu a wordo presenta den caso di retiro di FLPD contra Croes. Hues a remarca, con e mester mira e rapport di Ernst & Young cu lo a publica cosnan cu no ta corecto. El a mustra cu Hof di Corte Superior, a batir riba dede di Ernst & Young su rapport cu no ta corecto y pakico 24ora.com no a publica esey.

Abogado mr. Ruiz a cuestiona e hecho cu 24ora.com no a haci investigacion necesario riba e caso sino a djis coy cos di e rapport publica siendo cu Hof a bari esaki for di mesa. E abogado ta haya cu intencional 24ora .com y Headlines Group a pone Croes den mal luz. Hues a puntra Patrick Paskel si ta bay sigui publica riba e asunto aki promer cu e dicta sentencia. Paskel a sacudi cabez mustrando cu no.

Hues a bisa cu e ta bay studia e caso pa 12 Juni lo dicta sentencia.

Clasificados

SOLODIPIUEBLO@GMAIL.COM
CEL. 585 9500

CASO MINISTER ENDY CROES VS 24 ORA: CORTE A TRATA E CASO DI RECTIFICACION Y A BATI DEDE DI 24 ORA!

E caso a haya atencion publico, unda Minister Endy Croes ta pidi pa 24 Ora rectifica un ponencia no basa riba berdad y sin base juridico, a wordo trata. Huez a determina cu 24 Ora a hasi fout den nan publicacion y nan ponencia no tin ningun base legal. Huez a Determina cu 24 Ora ta Fout

Den su argumento, abogado di 24 Ora, David Kock, a bisa huez cu 24 Ora mester haya un poco di espacio, pasobra nan no ta jurista y e pueblo no ta comprende asuntonan juridico den profundidad. Sinembargo, abogado Ruiz a trece dilanti cu nan ponencia a wordo treci sin considera e desaroyo unda Hogeraad a dicidi cu e rapport Ernst & Young ta onrechtmatig.

Abogado Ruiz a Splica e Ponencianan

Abogado Ruiz a splica con e ponencianan di 24 Ora no a tene cuenta cu e desaroyo importante unda Hogeraad a dicidi contra e rapport Ernst & Young. Segun Ruiz, e rapport aki a wordo keda descualifica como onrechtmatig.

Defensa di Abogado Kock Kock a trece pa dilanti cu apesar di haya tur documento necesario, e no a haya tempo suficiente pa prepara su mes bon, lesa y studia nan den su totalidad. E ponencia aki di David Kock a lanta e winkbrauw di hues, ya cu un abogado ta supose di lesa, studia y prepara su mes, pero den e caso aki a admiti di no a haci esey.

Huez a dirigi su mes na Paskel di 24 Ora

Huez a puntra Paskel di 24 Ora, si e lo sigui skirbi riba Minister Croes den e dos siman venidero. Paskel a sacudi su cabes indicando cu no, e lo sigui skirbi.

Ponencia di 24 Ora ta Incorrecto

Ta cla cu e ponencia treći pa 24 Ora ta totalmente incorrecto: nan a bisa cu e caso di herroeping ta hogerberoep di e ontbinding, mientras cu juridicamente esey no ta correcto. Un ontbindingszaak no tin hoger beroep. E herroepingszaak a wordo hasi pasobra segun Croes informacion a wordo scondi cu ta prueba su inocencia, y hues a wordo engaña. Sinembargo, e hues den e herroeping ta argumenta cu e promer abogado di Croes, mester a hasi su trabou y trece e puntonan den e ontbindingszaak original.

Defensa di Abogado Milaynie Reinkemeyer Milaynie Reinkemeyer di e oficina di Ruiz a trece pa dilanti cu noticianan cu Minister Croes a gana



contra Ernst & Young ta publico y a wordo publica riba 24 Ora. Por lo tanto, 24 Ora no por pretende cu nan no sa di e desaroyo aki. Nan sa masha bon pasobra nan mes a raporte.


Abogado Milaynie a Bissa pa Traha cu Integridad Milaynie a pone e punto na mesa cu como un noticiero, bo mester trece noticia confiable y no manera engañoso cu fin di difama Minister Croes. No por bisa cu apelacion y casacion a dicta pa aproba e retiro di Endy Croes, asabiendo cu ni hof ni casacion a dicta

nada di esey. Conclucion di Huez Huez a batí e dedenan di 24 Ora riba nan actuacion contra Minister Croes y hasta a prohibi nan pa skirbi riba Croes den dos siman venidero. Tambe huez a puntra directo na abogado Kock kiko e ta pensa di e desaroyo contra Ernst & Young. Kock a contesta cu e no ta sa y no a studia e desaroyo legal. Sperando Sentencia E sentencia final ta programa pa dia 12 di Juni. Solo di Pueblo

DESPUES DI A CABO DI TRAHA NA CASINO DAMA TRAHADO A HAYA SU AUTO KIBRA Y NAN A BAY CU SU PERTENENCIANAN

Diasabra madruga a drenta informe di un caso di kiebro y ladronicia for di un auto staciona patras di Willem III toren, mesora a dirigi un patruya na e sitio.

Na yegada di e patruya a bin comprende cu durante e dama doño di auto ta trahando den casino ladronnan a bin destrui y horta den su auto.



EDITORIAL

ANALISIS RIJKSWET PA SUPERVISION FINANCIERO

E origen di un Rijkswet pa supervision financiero tabata e prestamo di Covid na aña 2020. Ora Covid a bati na porta, Aruba no tabatin ningun reserva financiero. Gobierno di Mike Eman a caba cu tur! Na Mei 2020, Raymond Knops a humiya Aruba, unda a duna un prestamo di 900 miyon florin pa nos por a sobrevivi Covid, a cambio di condicionnan draconico. A papia e tempo ey di un ley RAFT. E rijkswet EY a keda bari di mesa. Na su lugar lo bini un Rijkswet nobo, hybride, unda e Ley ta garantisa un supervision financiero, sin mete cu e

cuadro financiero cu lo wordo atendi den ley local. E aspecto positivo ta cu e rijkswet pa supervision ta temporario y tin un "exit". E no ta pa semper. Pues e ta un GARANTIA cu tur gobierno nobo di futuro lo keda cumpli cu bon resultado. E no ta ensi pa of contra MEP, pasobra Gobierno di MEP a y ta goberna cu prudencia y desde 2017 a bin ta drecha y recupera finansas publico existosamente. E ta mas bien un "finansas AVP proef" pa mara man di AVP, cu tin tendencia di hunga Sinterklaas y duna su socio Paskel masha hopi placa (mas di 10 miyon).

Kico te impacto pa Aruba? NINGUN. Gobierno ta keda dicidi y goberna intacto. Lo haya intrest mas abao. Aruba lo reduci gasto di intrest y e Mega Debe di Eman tambe lo por wordo re financia na intrest abao, reduciendo asina e 300 miyon di intrest pa anja cu tin nos pais estrangula. E rijkswet no a drenta na vigor ainda, pasobra mester bay traha riba dje den e proximo aña. Si Aruba y Hulanda yega na acuerdo riba e contenido, e ora ey na Mei 2025 lo mester presenta na ambos parlamento pa votacion. E rijkswet



no ta cambia nada, no lo bin ningun Hulandes. Solamente cu via un ley di Reino ta dicta cu tin un supervision financiero, pues un kamber di control, cu ta controla cu Aruba

ta keda cumpli. Algo cu no ta ningun problema pa Gobierno di MEP, pero sumamente necesario pa un futuro Gobierno di AVP gelapi cu 5 partido chikito.

POLIS A BAY NA WARDA DI POLIS CU CHAUFFEUR BEBI PA WAK SI ETA SURPASA E LIMITE PERMITI



Diasabra anochi polis a para un chauffeur bebi pa asina control'e pa wak si ta apto pa stuur. Ora cu polis a par'e e tabata mustra bebi y pa kita tur duda a bay warda di polis pa test e pa asina haya sa si e ta surpasa e limite permiti.

POLIS A BAY HALA ATENCION DI E CHAUFFEUR NAN CU TABATA TOCA MUSICA DURO BANDA DI COSTA LINDA



Diasabra madruga a drenta informe di cu na e parkinglot traha na Eagle Beach banda di Costa Linda tin algun automobilista cu ta bay para eynan cu musica duro y ta stroba e tranquillidad di e turistanan di drumi. Polis a bolbe bay eynan cos di tur weekend ta sosode y a atende cu esnan responsabel.



Prome Minister Evelyn Wever-Croes:

Secretario di Estado Alexandra van Huffelen: **E ACUERDO AKI TA UN MUESTRA CU SI BO TRAHA HUNTO Y SCUCHA OTRO, BO TA YEGA NA RESULTADONAN POSITIVO**



- "Mi ta contento cu awe Hulanda y Aruba por anuncia cu nos a yega na un acuerdo", tabata palabranan di Secretario di Estado Alexandra van Huffelen, despues cu ambos pais a firma e acuerdo financiero. Secretario van Huffelen a indica cu riba e dia aki,

Aruba y Hulanda a duna un stap importante pa yega na un "Rijkswet", cu ta un ley na unda tin acuerdonan importante pa loke ta trata finansas publico sano di pais Aruba, respetando autonomia di e pais.

El a splica cu e acuerdo aki ta un muestra cu si bo traha hundo, scucha y tuma opinion di otro den consideracion, bo ta yega na resultadonan positivo. Aruba y Hulanda, ya pa basta tempo caba ta den negociacion, pa trata e tema di e interes riba e debe di Covid. Un tema sigur di gran importancia,

pa motibo cu un rebaho den e interes di e debe, lo fortifica e presupuesto di pais Aruba, creando oportunidadnan di inversion pa e isla.

Tambe pa crea finansas sano, cu lo resalta den un maneho di gobierno optimal, y desaroyo economico sostenibel. E placa cu Aruba lo "spaar" di no paga interes, por wordo inverti den proyectonan importante pa e pais, manera enseñansa, infrastructura, y/of den e proyecto di transicion energetico.

Secretario di Estado Alexandra van Huffelen, a expresa di ta sumamente

contento cu Gobierno di Aruba a acepta e Rijkswet, mirando cu tur e obhetivonan di e presupuesto lo wordo ancraden e Rijkswet, creando asina un sentimento di siguransa entre e dos paisnan.

E acuerdo di awe ta den interes comun di Aruba y Hulanda, pero specialmente den interes di e comunidad di Aruba en general. Awor cu tur dos pais a firma e acuerdo, por sigui traha riba e ley aki. Mientrastanto Aruba lo ta pagando menos interes (5.1%), y unabes e ley wordo aproba den Parlamento, e interes lo

baha aun mas (3.4%). Secretario van Huffelen a sigui splica cu Hulanda tambe ta dispuesto, pa unabes e ley wordo aproba, pa permiti Aruba, durante condiconnan faborabel, obtene prestamonan pa inversion, cu e siguransa cu e maneho financiero ta keda optimal, ya cu ta prestamonan pa tempo largo. "Mi ta contento cu Aruba a tuma e stap importante aki, na unda cu Aruba y su ciudadanonan por sigui bay dilanti, paso financia di Gobierno sano, ta bon pa tur Arubano" Secretario van Huffelen a termina bisando.

CON MEASLES (SARAMPI) TA TRANSMITI SU MES

27.05.2024. Measles ta un malesa viral hopi contagioso cu ta transmiti su mes di hende pa hende hopi facil. Cerca algun hende un infeccion cu Measles por ocaciona complicacion serio y asta morto. Un persona contagia cu Measles por infecta entre 15-20 persona na e mesun momento.

Measles ta afecta e via respiratorio y despues ta plama full den e curpa. Sintoma nan ta inclui keintura halto, tosamento, nanishi ta core, por tin mancha blanco chikito den boca y un rash cu ta cuminsa na cara y ta plama pa e curpa completo.


Measles ta plama di hende pa hende via aire of superficie. Na momento di tosa of nister, droplets ta sali y ta keda "zweef" pa un rato den aire pa despues cay riba algun superficie. Durante e tempo cu e droplets ki ta den aire un persona por inhala e droplets aki pa medio di su nanishi of por piki e droplets aki for di riba un superficie cu su man y hiba esaki na su boca, nanishi of wowo. Un persona ta infeccioso for di ora cu su sintomanan cuminsa (4 dia prome cu rash aparece) te cu 4 dia despues cu e rash aparece. Tin algun cosnan cu por

ser haci pa reduci e risico di transmiti of catch Measles.

- Tosa of nister den papel of haci esaki den eleboog.
- Tira papel usa mesora den baki sushi
- Laba man frecuentemente cu awa y habon
- No comparti cups, cuchiu cu forki, serbete, paña of cama.

Measles por conduci na complicacion serio si e plama pa otro partinan di curpa manera pulmon y celebro. Complicacionnan cu por surgi ta:

- Pulmonia
- Meningitis
- Cieguedad



- Ataca Muchanan no vacuna, hende muher na estado of esnan cu un sistema immunologico comprometti (debil) ta esnan mas vulnerable pa desaroya complicacion.

Pa mas informacion

like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw

MINISTER ENDY CROES TA FELICITA ARUBA BANK CU NAN EXITOSO WALK AND RUN 2024



Diahuebs atardi, Minister di Deporte Endy Croes a atende e di 18 edicion di Aruba Bank Walk and Run 2024. Tabata cuater dia di caminata den diferente distrito di Aruba. Alrededor di 2500 mucha, hoben y adulto a participa.

Minister Endy Croes tabata presente na Camacuri pa deseja e coredonan hopi exito. Tabatin hopi ambiente banda di caminda, unda cu famia, colega y amistad a duna sosten y apoyo na e participanten.

Pa conclui, Minister Endy Croes ta felicita Aruba Bank cu nan exitoso evento deportivo. Alabes ta felicita Lana Gobert y Christian Pereira cu a sali e ganadonan absoluto di e di 18 edicion di Aruba Bank



Walk and Run 2024. Cu y determinacion boso a disciplina, deseo, dedicion logra.



ESAKI NO TA UN "GEISER" PERO E PRESION DI AWA TA HOPI FUERTE Y TA SPUIT HALTO



Diasabra atardi hendenan cu ta pasa den Santa Cruz por a mira un atraccion nobo esta un fontein di awa, no ta conosi ken lo bay paga pa e cantidad di awa perdi eynan?

"DESCUBRI BO YIU SU POTENCIAL CU SKOA, INSCRIBI'E PA SCOL BASICO Y SECUNDARIO "

, Aruba: Mayornan por inscribi nan yiunan pa e proximo año escolar y join e familia di SKOA pa asina yuda nan descubri nan potencial maximo den nan trayecto di educacion.

Dicon scoge pa SKOA? Nos meta primordial na SKOA ta enfoca arriba e desaroyo y crecimiento di cada mucha. Nos ta ofrece educacion di calidad cu ta enfatiza balornan Catolico, comunicacion na nivel multilingual, inclusion, innovacion y actividadnan extra-curricular. Mayornan por scoge di un variedad grandi di scolnan pa nan

yiunan. Muchanan cu ta bay SKOA ta ricibi un educacion completo cu ta prepara nan pa e futuro.

Inscribi completamente digital:

Por inscribi via nos website www.skoaw.aw pa asina inscribi completamente online. Por inscribi via email na aplicacion@skoa.aw. Por inscribi tambe via WhatsApp na +297 748 5995 y sigui e pasonan pa completa e inscripcion. Ora di inscribi mester pone bon atencion arriba e documentonan necesario pa asina por cumpli cu e proceso di inscripcion di cada yiu exitosamente. Pa mayornan cu ya caba tin



yiun. Muchanan cu ta bay SKOA por haci inscripcion di e yiu cu ta bay cuminsa basis via nos sistema di SAS.

SKOA ta duna guia na tur mayor durante e proceso di inscripcion. Pa mas informacion bishita nos website www.skoaw.aw of por yama nos directo na (+297) 523 1800 durante orario di oficina.

MON PLAISIR SCHOOL A RICIBI BISHITA DI MINISTER ENDY CROES Y MASCOTA WIWI, EN CONEXION CU WEGANAN ESCOLAR 2024

E gran apertura ta tuma luga dia 1 di juni na Stadion Nadi Croes y Crismo Angela.



mascota Wiwi a bishita scol preparatorio y basico di Mon Plaisir. Manera ta conoci, Weganan Escolar 2024 ta inicia dia 1 di juni pa 15 di juni proximo. Weganan Escolar ta un competencia pa e alumnonan di scol preparatorio, basico y secundario cu ta competi den diferente disciplina e.o. futbol, volleyball, beach tennis, badminton, "kids athletics", We Mente y We Baile. Pues dos siman di competencia, unda cu 1300 alumno di 45 scol lo bataya contra otro pa concista e titulo maximo.



Dialuna mainta, Minister Endy Croes hunto cu

A base di peticion di e mandatario di Deporte, tur scol cu ta participa na Weganan Escolar ta hisa bandera di Aruba y bandera di Weganan Escolar riba dialuna. E meta di esaki ta pa inculca e amor patria den nos hobennan y crea e espirito

di competencia.

E mandatario di Deporte a presencia e ceremonia, unda cu a hisa e bandera y canta e himno di Aruba y di Weganan Escolar. Por ultimo, Minister Endy Croes ta gradici cabesante, maestro-, staf y alumno di Mon Plaisir

School pa e caluroso recepcion y e bunita y exitoso mainta. Cu e deseo, disciplina, dedicacion y determinacion ta logra. Alabes, ta invita Pueblo di Aruba pa duna sosten y apoyo na nos muchanan durante e competencia di Weganan Escolar 2024.

POLIS A DETENE ALGUN HOBEN CU TUR ORA TA BAY BUSCA PROBLEMA BANDA DI HOTELNAN AWO A ATACA SECURITY Y TURISTA



Diasabra anochi a drenta informe di cu e grupo di hobennan cu tur ora ta

busca problema banda di e hotelnan na Palm Beach atrobe ta causa problema,

mesora a dirigi un patruya na e sitio. Na yegada di e patruya a bin comprende cu 4 hoben a ataca un security y un turista ademas a menasa di kima e luga, mesora a dirigi patruyanan na e sitio y den e area. Na altura di Monserat a logra topa cu e hobennan aki y a logra captura 3 di e 4 nan. Ora a listranan a bin haya 2 di nan cu arma blanco y



cu droga. Tur 3 a ser hiba warda di polis y a yama

nan mayornan pa atende cu nan.

COLEGIO ARUBANO TA CELEBRANDO 65 AÑA DI EXISTENCIA

E aña ki Colegio Arubano ta celebra su 65 aniversario. Durante henter aña escolar Colegio Arubano ta sumamente activo cu diferente actividad de-

portivo, cultural of participando den proyectonan educativo of yudando comunidad. Tur esaki banda di e programa educativo regular di scol, e aña es-

colar venidero lo ta un special pa motibo cu Colegio Arubano lo ta celebrando su 65 aniversario den luna di oktober. E celebracion lo cuminsa den siman cu opening di e siman di celebracion na scol y lo culmina cu un anochi sumamente special pa comunidad di Aruba henter, caminda lo tin discurso, baile, presentacion mu-



sical di grupo di Colegio Arubano y bandanan musical popular. Tambe lo tin bar y cushiona bon surti y na bon prijs. Colegio Arubano ta invita pueblo di

Aruba henter pa continua apoya nos scol. Colegio Arubano su contribucion na comunidad di Aruba semper a keda uno grandi y valioso.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO De Pueblo

PRONOSTICO DI TEMPO

VALIDO TE DIALUNA 27 DI MEI 2024, 18:00 ORA

TEMPO:
AWE TARDI Y AWE NOCHI: PARCIALMENTE NUBLA Y GENERALMENTE SECO
DEN MARDUGA Y MAYAN:
PARCIALMENTE NUBLA

TEMPERATURA MAXIMO 33 GRADO CELSIUS
TEMPERATURA MINIMO 27 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 34 PA 39 GRADO CELSIUS
UV INDEX: 12
POTENCIAL DI AWACERO PA PROXIMO 24 ORA:
1 TE 3 MM; LOCALMENTE ESAKI POR VARIA
REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):
PRONOSTICO DI TEMPO PA PROXIMO 3 DIANAN:
PARCIALMENTE NUBLA CU LOCALMENTE UN AWACERO.
BIENTO LO TA MODERA TE BASTA FUERTE;
FUERTE DEN RAFAGA FOR DI DIRECCION GENERALMENTE OOST.
TEMPERATURA (GRADO CELSIUS) MAX / MIN LO TA: 33 / 28

Maravillas de la Fe

Bo ta sufri di un malesa nan cu no no por cura? Manera artrosis, Alzheimer, demencia, depresión, diabetes osteoporosis, parkinson, insomnio, dolor di barica, weso migren dolo di barica, dolo di wesu, lomba, ect? Bo ta bebe remedi i bo no ta cura? Bo ta victimo di bruheria? comunica na MARAVILLAS DE LA FE na 748 56 71

Bo no tin suerte? bo placa no ta jega? Bo ta cumpra number i bo no ta gana? Bo ta bai casino i perde tur bo placa? Invidia, mala suerte? comunika na 748 56 71

Bo tin problema di amor? Bo pareha ta gaña bo? Fracaso, soledad, angustia. comunika na



Comunica na 748 56 71



748 56 71



Minister Glenbert Croes a anuncia:

GOBIERNO DI ARUBA A HAYA LICENCIA FOR DI OFAC PA CUMPRA HFO MAS BARATA BAHA PRIJS DI AWA Y CORIENTE TA BIRA REALIDAD

Durante su rueda di prensa di dialuna mainta, Minister Glenbert Croes a habri siman cu dos bon noticia pa Aruba.

E prome, ta e primicia cu diabierna siman pasa Department of Treasury di Gobierno di Merca, specificamente O.F.A.C., Office of Foreign Assets Control, a otorga Aruba e licencia pa Aruba por cumpra HFO di origen Venezolano. Esaki ta un noticia alentador y un logro hopi grandi pa Aruba y nos pueblo, pasobra esaki ta bay conduci na reduccion substancial di prijs di awa y coriente. Esey ta finalmente nos meta como Gobierno, e mandatario a splica.

"Dos aña nos a cana e

caminda aki, dos aña di reunionnan intenso y esfuersonan continuo. Cinco di maart ultimo mi a entrega oficialmente e peticion den nomber di Gobierno di Aruba pa FMSA por cumpra HFO di origen Venezolano y awe mi ta presenta na boso e licencia cu Aruba a haya pa por ehecta esaki. Mirando e especificacion di e HFO, mirando e prijs, mirando e cercania di Aruba cu Venezuela, e ta brinda e oportunidad real y berdadero cu tanten cu nos ta depende di HFO, e ta e instrumento principal pa nos por baha prijs di awa y coriente".

E mandatario a manda gradici Department of Treasury pa a tuma den consideracion e peticion di

su persona den nomber di Gobierno di Aruba. Aruba su interes pa cumpra HFO for di Venezuela ta explicitamente pa por suministra WEB cu HFO cu lo yuda nos combati inflacion energetico, combati prijs halto di awa y coriente, pa finalmente nos cumpli cu meta y mision di Gabinete Wever Croes esta di baha prijs di awa y coriente permanentemente.

Dos aña largo nos a cana e caminda aki. Hasta opositornan a critica nos pa nos biahenan cu nan lo no ta duna resultado. E licencia aki ta un logro contundente di e esfuersonan di ultimo añanan na beneficio di nos Pais y ta refleja e bon relacion y confiansa cu Gobierno di Merca tin den Aruba.



Invitacion pa nobena na honor di e Sagrado Curason di Hesus i di e Inmaculada Curason di Maria na Parokia di Santa Cruz

Pastor Jairo i Pader Jose, hunto cu grupo "Aliansa di e dos Curasonnan di Hesus i Maria," ta extende un cor-

dial invitacion na tur debotonan, fielnan i paroki-anonan pa e nobena cu lo cumina Diaranson 29 di Mei pa 5:45 p.m. i ta sigi te dia 6 di Juni na e mesun orario, cu excepcion di Diadomingo 2 di Juni, nobena lo ta pa 5:15 p.m. E tridium lo ta dia 4-5-6 di Juni tur dia sigi pa e Santa Eucarestia. Fiesta di e Sagrado Cu-

rason di Hesus i adicional di e Inmaculada Curason di Maria lo ta Diabierna 7 di Juni cum-insando pa 6:15 p.m. cu un coronilla, canto i e Santo Rosario sigi pa 7' or p.m. cu e Santa Eucarestia anima pa e koor "Reina di Pas." Un i tur ta keda invita pa e nobena i pa e Fiesta na nan honor.

Clasificados

CLASSIFIEDS

SOLODIPUEBLO@GMAIL.COM
CEL. 585 9500



**TA BUSCA PARTIDORA DI
CORANT PA AREA DI**
Simon Antonio - Pos Chikito
Brazil - Sanicolás
Horario: 7.30 pm

Contact: 585-9500
E-mail: solodipueblo@gmail.com



Algun tips con pa recuperar di un griep



Recupera di un griep ta cuestion di pasenshi y algun bon habito. No tin remedios pa trata e infección vírica aki, sino mas bien pa alivia algun di su sintomanan.

Por lo tanto, no ta keda nos otro solucion pa cuida y descansa. Den e articulo aki nos ta comparti cualnan t'e habitonan cu por yuda na recupera di un griep.

Ta importante sigui esakinan pa calma algun molester frecuente y evita complicacion.

E custumbernan cu por yuda recupera di un griep. Griep ta un infección pisa di e vianan respiratorio causa pa un virus. E tin un intensidad mayor cu un verkoud y ta caracteriza pa:

- Keintura diripente y calafriu.
- Dolor di cabes.
- Nanishi cera.

- Malestar general y cansancio.
- Molester den garganta.
- Dolor muscular.
- Perdida di apetit.

E griep sa dura entre 1 y 2 siman. E prome dianan ta loke ta caracteriza pa un mayor malestar, mientras cu e cansancio y e congestión por extende te cu e di dos siman.

Ta existi vacuna pa griep. No obstante e virus aki tin un gran capacidad pa sufri alteracion, pa cual su efectividad ta depende di e actualizacionnan continuo cu ta rekeri.

Ademas di esey, ta un medida preventivo hopi recomenda p'e gruponan di riesgo manera hendenan grandi of e profesionalnan sanitario.

1. Descansa y drumi
Pa faborece e curacion di un griep, descanso ta per-

miti p'e curpa enfrenta e infección. E prome conseho aki no solamente ta pa acelera nos recuperacion. Tambe ta fundamental pasobra griep ta hopi contagioso, pa cual nos mester evita e contacto cu otro hende.

Griep ta invita nos pa tuma un descanso. Descansa y drumi lo maximo posibel lo permiti e curpa un miho gestion di energia.

Por lo contrario, sigui cu nos rutina solamente lo yuda empeora e sintomanan y alarga e enfermedad.

2. Bebe awa, juice y infusion

Otro recomendacion importante ta hidratacion. Ta fundamental bebe durante dia, ya ta awa, juice natural di fruta y berdura y infusion di mata medicinal.

Den e caso di juice, nos por eligi fruta y berdura rico den vitamina C, cual ta hopi beneficioso pa combati infección. Fruta, berdura y spicerij manera acerol, guyaba, peterselie, kiwi, strawberry, citrico, promente, etc. ta contene e vitamina aki.

Encuento infusion medicinal, un bon combinacion lo ta turmeric, cu ta anti-viral y antiinflamatorio, cu ginger, cu ta yuda baha e keintura.

Nos por bebe cayente variós baha pa dia, combina cu honing of stevia.

3. Cuida e alimentacion pa



recupera di un griep
Hidrata bo mes frequentemente y un alimentacion adecuado lo permiti e curpa repone energianan pa enfrenta e griep.

Pa recuperar di un griep ta importante cuida e alimentacion durante e dianan aki. En particular, nos mester aumenta e consumo di alimento cu propiedad stimulante di e sistema inmune.

Por ehempel, loke ta di colo berde:

- Spinazie.
- Kool.
- Pepino.
- Brocoli.
- Awacati.
- Selder.
- Promenton.

4. Bo tin mester di un humidificador?

Si nos ta sufri di tosamento y congestion ta posibel cu nos mester di e apoyo di un humidificador.

E aparato aki ta conecta na coriente y ta genera vapor cu awa cu ta introduci. Di e manera aki, nos por alivia un poco e molester di griep. Ademas, algun humidificador tambe ta aromatizador. Es decir, nos por añadi azeta esencial puro cu ta yuda nos recupera. Por ehempel, ecualyptus, pino, menta, lamunchi.

5. Algun remedio natural efectivo

Algun remedio, manera propoleo, ta mehora bo defensanan y ta faborece e alivio di e sintomanan.

Nos mester recorda cu griep ta causa pa un virus, pa cual antibioticonan no ta mehora e sintomanan ni tampoco ta acelera e recuperacion.

Tampoco mester bebe aspirin. En cambio, nos por fortalece e sistema inmunitario, acelera e curacion di griep y yuda alivia e sintomanan cu e siguiente remedinan:

- Vitamina C.
- Zinc
- Equinacea (tambe yama Kegelbloem)
- Propolis. (Propolis of tambe kithars y manera tur otro producto di bij, ta consisti di componente vegetal y animal).
- Sauco of Sambucus nigra (un tipo di mata)

6. Pasenshi pa recupera di un griep

Por ultimo, e ultimo remedio cu nos tin mester, ta esun di pasenshi. Tin baha, griep t'e excusa perfecto pa nos tuma e descanso cu nos tin mester.

Nos mester recupera cu si nos sufri di stress hopi baha, nos sistema imunitario ta debilita y nos ta predispone na bira malo cu mas facilidad.

P'esey recupera di un griep ta nifica tuma un pauze pa pasa, por lo menos un siman na cas. Cu pasensi, dieet y bon conseho y remedios, nos lo super'e y despues nos lo sinti nos mes renoba y yena di energia.

Afspraak pa cumpra un celular a resulta intento di atraco na Celsiusstraat



Diasabra anochi a drenta informe di un intento di atraco na Celsiusstraat, mesora a dirigi un patruya na e sitio. Na yegada di e patruya a bin comprende cu aki ta trata di un caso unda un turista cu regularmente sa bishita Aruba tabata bendiendo su celular riba rednan social ya cu ela cumpra un mas nobo y a sera un acuerdo pa topa e comprado na Celsiusstraat pero na momen-

to di topa otro e cuenta a cambia y a bira un intento di atraco unda e turista a gara su telefon y core bay busca ayudo y scapa su mes di e situacion. Mientras e secuestadornan a probecha coba den e auto y reboltia tur cos pero sin haya nada di balor. Polis a tuma e number cu a yam'e y tambe e investigadornan technico y forensyco a tuma vingerprintnan laga na e auto.

**OLIVE TREE'S
PRE-PAID
FUNERAL PLAN**

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierne | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

1 JUNI 2024

FESTIVAL DI CANTO DERA GAY

BAN APOYA NOS MUCHANAN Y HUNTO NOS TA CANTA 'DERE GAY DERE GAY'

CATEGORIA
5 - 7 AÑA
7 - 9 AÑA
10 - 12 AÑA

PREMIO
GANADOR ABSOLUTO FL.500,-
SEGUNDO LUGAR FL.250,-
TERCER LUGAR FL.150,-

ORARIO: 6:30 PM - 11:30 PM
LUGAR: CENTRO DI BARIO BRAZIL
ENTRADA: FL10,- PA ADULTO

ENTRADA PA TUR MUCHA TA GRATIS!

OBJECTIVE REALTY ARUBA

DEPARTAMENTO DI CULTURA ARUBA

BO YU KIER PARTICIPA?
TEL: 564 6099 POR INSCRIBI TAMBE NA EMAIL: FUPROCUNO2@GMAIL.COM



HOROSCOP

28 di Mei 2024

Horoscop pa dia 28 di mei 2024

Feliz y productivo dia-mars. Awe Solo di Pueblo ta presenta bo horoscop pa dia 28 di mei 2024.

Aries

Bo ta sinti bo hopi positivo encuento bo relacion actual. Si bo tin un negoshi lo bo obtene beneficio. E horizonte profesional ta sin nubia. Bo ta mas feliz cu nunca y cu animo pa haci cuaquier cos. Number di suerte: 59, 23, 5.

Tauro

Dia di bienestar sentimental. Stabilidad economico. E mal intencion di un companero lo haci bo pasa un mal dia. Pabien, cu deporte bo a recupera bo figura. Number di suerte: 72, 36, 8.

Geminis

Hopi duda lo disipa si bo habri bo curason pa otro. Vigila bo presupuesto cu bo tin destino na cas. Problema por surgi cu e proveedornan. Amicalmente lo bo ta den forma abao sin sa e causa. Number di suerte: 92, 36, 8.

Cancer

Danki na bo encantonan, lo bo triunfa. Lo bo obtene beneficio inespera. Un inversion nobo lo aparece p'e proyecto nobo di bo empresa. Bay dentista si bo sigui cu molester na bo encianan. Number di suerte: 83, 42, 2.

Leo

Bon dia pa haci declaracion di afecto. Gran momento economico. E proyectonan profesional lo ta un exito. E molester na bo elleboog bo mester vigila. Number di suerte: 61, 38, 1.

Virgo

Bisa esun cu bo stima loke bo tin hopi tempo bo a wanta pa bo mes. Awe lo bo recoge e frutanan economico di pasado. Lo bo haya e posicion di trabao desea. Kisas e cansancio ta debi na bo nivel abao di hero. Number di suerte: 68, 56, 4.

Libra

No mete den novedad amorooso, no t'e momento. No gasta bo placa, pero tampoco ta pichiri. E trabao ey ta rekeri un mayor esfuerzo di bo parti. Bo organismo tin mester di un bida hopi mas sano. Number di suerte: 59, 96, 9.

Scorpio

Scucha e ottronan, bo relacionnan lo mehora. Bo saldo lo permiti bo realisa e biahe di bo soño. Ainda obteniendo exito na bo tra-

bao, ta exigi bo hopi. Evita p'e molesternan chikito amarga bo bida. Number di suerte: 69, 53, 7.

Sagitario

Tristes cu awo ta invadi bo curason, lo dispare. Si bo tin bo propio negoshi, no lag'e den man di ningun hende. Disputa na bo trabao lo haci bo tuma un decision. Aleha di e preocupacionnan, purba di trankilisa. Number di suerte: 59, 96, 9.

Capricornio

No sea fastioso cu bo pareja. Lo bo a raca na ora di move bo placa. Gran habilidad pa negoshi. Contacto cu naturalesa lo ani-

DIAMARS 28 MEI 2024

ma bo. Number di suerte: 17, 98, 2.

Acuario

Lo bo siña hopi di bo amigonan. Cu bo carisma, negoshi lo bay hopi bon. No busca complicacion cu un colega. Bay dokter, bo tin mester un chekeo. Number di suerte: 68, 79, 6.

Piscis

Hala rosea hundo prome cu bisa algo inconveniente na bo pareja. Negoshi ta gosa di un gran prosperidad. Bon oferta di trabao. No forsa bo curpa den exceso ora di haci ejercicio. Number di suerte: 15, 35, 3.



5	3			7		
6			1	9	5	
	9	8				6
8				6		3
4		8		3		1
7			2			6
	6				2	8
			4	1	9	5
			8		7	9

4	1	2	9		7	5
2		3		8		
7			8			6
		1		3	6	2
1	5				4	3
7	3	6	8			
6		2			3	
	7			1		4
8	9		6	5	1	7




Diasabra atardi a drenta informe di cu e ladron cu a sali cu productonan sin paga na Koyari Food Mart

a bolbe drenta, mesora a dirigi un patruya na e sitio. Na yegada di polis ya

atrobe ela bay pero e biaha aki su intento a fracasa pasobra nan tabata vigil'e.

POLIS A HIBA 2 DAMITA MENOR DI EDAD BAO INFLUENCIA FOR BANDA DI E SOUL BEACH PA WARDI DI POLIS YAMA NAN MAYORNAN



Diasabra anochi durante patruya a topa 2 damita menor di edad bao influencia mesora a detene nan y hiba nan warda

di polis pa eynan yama nan mayornan pa papia cu nan y mustra nan con nan yiunan ta anda riba caya.



Polis a para trabaonan riba dak di un edificio cual tabata causando daño na mas di 10 auto staciona den parkinglot na Werfstraat

Diasabra mainta a drenta informe di un caso di destruccion na un auto para den e parkinglot na Werfstraat, mesora a dirigi un patruya na e sitio. Na yegada di e patruya a bin nota cu e destruccion aki ta haci a causa di trabaonan riba dak di un edificio y varios auto a sufri daño polis a tuma accion y a laga yama



esun responsabel pa e trabaonan riba dak di un edificio cual tabata ser haci pa a stop e trabaonan inmediatamente y cuminsa regla cu e doñonan di mas di 10 auto a sufri daño.

TE HUUR prime lokatie

Kantoorruimte benedenverdieping
90 m² te L.G. Smith Boulevard 22
vanaf 1 juli a.s.,
Huurprijs n.o.t.k.
Voldoende parkeerruimte

Te bevragen bij 5824417 t.a.v. Prisca
Sapuana of
Sapuanap@kloeslawyers.com

CELEBRANDO 38 AÑA DEN RADIO DIFUSION DI CECILITO LOPEZ

GRAN FESTIVAL DI RANCHERA

1 JUNI 2024 | 8.30PM

CLUB CAIQUETIO

ENTRADA GENERAL: FLS 35,-

LO BAI TIN HOPI DOORPRIZES #ANDALE ANDALE!

Bon actuacion di atleta di Pesas Derrick Webb den Campeonato Mundial Jubenil

For di 21 pa 26 mei 2024 a tuma lugar na Lima, Peru e Campeonato Mundial Jubenil Sub-17. Pa Aruba a perticipa pa prome biaha e atleta Derrick Webb den un Campeonato Mundial Jubenil.

Derrick Webb cu a competi den categoria di 61kg guia pa e coachnan Walter LLerena for di Ecuador y Laertes Araque di Aruba. Den e Campeonato Mundial Jubenil tabata tin un participacion di 287 atleta masculino y femenino for di 51 pais presente.


Derrick tabata tin total di 10 atleta di nivel den su categoria di 61kg. Atleta Derrick a bataya duro pa logra den su hisadanan den snatch 80kg, clean & jerk 108kg pa un total di 188kg. cu e total aki Derrick ta termina na di 7 lugar lagando atletanan di Nicaragua y dos atleta di Peru su tras.

Aruba Amateur Weightlifting kier a manda palabra di pabien na atleta Derrick Web cu su bon presentacion y coachnan Walter LLerena for di Ecuador y Laertes Araque di Aruba pa nan bon trabow.

Tambe ta gradici Comite Olimpico Arubano pa e



tramite pa cu e atleta por a participa y e team di Co- mision Tecnica y Cemedar pa nan apoyo.



ORACION DI DIA



Un dia fructifero colma cu e bendicion y forsa di ariba y yena cu Spirito Santo

"Pasobra esun cu Dios a manda ta papia palabra di Dios; pasobra Dios ta dun'E Spirito Santo na abundancia." Huan 3, 34

Dios a manda Hesus pa siña cada un di nos con nos mester biba. Cu nos mester kere y obedece Dios. Kere den Esun cu Dios a manda, acept'E y respet'E. Ta berdad cu nos ta biba riba e mundo aki pero nos no ta pertenece na e mundo aki. Nada di e mundo aki por duna nos e felicidad berdadero. Solo Dios por haci e hende feliz. P'esey laga nos haci nos maximo esfuerzo pa agrada Dios y biba di acuerdo cu Su santo boluntad.

Ban pidi Dios pa prepara nos pa ricibi Esun cu E lo manda for di shelo pa nos mescos cu E la baha riba Hesus riba dia di Su bautismo cu ta e

Spirito Santo di Dios. E ta Esun cu ta yuda nos y siña nos loke ta e berdad pa nos keda pertenece na Su reino y nos por ta e testimonio cu ta confirma cu Dios semper ta e berdad. Door di esey nos ta haya un bida nobo hunto cu Hesus cu a resucita canando riba e caminda di bida eterno. E unico caminda, berdad y bida cu ta hiba nos na salbacion.

Oracion: Tata Celestial duna nos e gracia pa acepta, kere y respeta Bo Palabra. Laga Bo Spirito Santo por baha riba nos y duna nos e uncion cu semper Bo tin warda pa nos. Amen.